

Lieder über di

lo & leduc

S geit geng nume um gester
Geng nume um Gäst
Wo nümme da sy
Tempi passati
Immer wieder ums Ässe
Drü Mal um Money
Nünevierzg für immer gratis

Ds einte isch mer drvo
Mängisch isches chly unagnähm
Wägem einte treisch du nie rot
Bim angere hani nid nachedänkt
Es git sicher vier übere Tod
Ig ha äüä chly Angst vor däm
Drü übers Universum
Ja ig ha chly Angst vo däm

Über ÖV öpe vier
Fuessballgötter zwöi bis hie
Mit de Zile über Mitleid mit mir sälber
Hätti scho es Zimmer tapeziert
Eis über ds Vergässe
Eis über Gwitter
Eis über Tee
Sicher füzfzäh nur füre Flex
U no vier überne Ex

U es git immer no
Ke Lieder über di
No ke Zile über di
Nid mal dr Aasatz vore Melodie
Wüu we die chäm
De wäre mir scho fasch verby

U es git immer no
Ke Lieder über di
No ke Zile über di
Nid mal dr Aasatz vore Melodie
Wüu we die chäm
De wäre mir scho fasch verby

Aber hüt am Morge hani Angst übercho
Wüu i mim Chopf isch e nöii Melodie
Sie tönt vertrout
I gloub i kenne se scho
Wüu sie erinneret mi a di

Sie isch mir dr ganz Tag nachegloffe
Am Morge früeh zum Fänschter ii
Am Mittag düre Dampfabzug
I ha dänkt i spinne chly
I bi use a die Früschi
Sie isch glich immer hinger mir
Sie gumpet us de Gebüsch
Isch scho deheime
Woni wieder ine bi

I muess iigseh sie wot blibe
Wüu zur Melodie chöme ize no paar Zile
Mir gheit e Stei vom Härz
Woni se liese
Wüu die Zile zile knapp a üs verby
U sie gö so

U es git immer no
Ke Lieder über di
No ke Zile über di
Nid mal dr Aasatz vore Melodie
Wüu we die chäm
De wäre mir scho fasch verby

U es git immer no
Ke Lieder über di
No ke Zile über di
Nid mal dr Aasatz vore Melodie
Wüu we die chäm
De wäre mir scho fasch verby

Wüu we die chäm
De wäre mir scho fasch verby
Wüu we die chäm
De wäre mir scho fasch verby